

Na osnovu člana 12. i 14. Zakona o udruženjima i fondacijama( «SL.novine FBiH» broj 45/02) na Skupštini Udruženja Vjeroučitelja održanoj dana 26.06.2006. god. donesen je

# STATUT

## UDRUŽENJA VJEROUČITELJA

### Opće odredbe

#### Član 1.

Ovim statutom uređuje se sljedeće:

- Naziv i sjedište Udruženja.
- Ciljevi i djelatnost Udruženja.
- Zastupanje i predstavljanje Udruženja.
- Organi Udruženja, njihove ovlasti, način imenovanja i opoziva, trajanje mandata, kvorum i pravila glasanja, uključujući i pitanja o kojima se odlučuje kvalifikovanom većinom, funkciju osobe ovlaštene da saziva skupštinu.
- Oblik i sadržaj pečata Udruženja.
- Sticanje i raspolaganje imovinom.
- Način donošenja financijskog izvještaja i izvještaja o radu.
- Postupak za donošenje statuta, izmjena i dopuna statuta i drugih općih akata Udruženja.
- Uvjete i način učlanjenja, prestanak članstva, kao i prava, dužnosti i odgovornost članova Udruženja.
- Uvjete i postupak za pripajanje, razdvajanje, transformaciju ili prestanak rada Udruženja.
- Pravila za raspodjelu preostale imovine u slučaju prestanka rada Udruženja.

#### Član 2.

Ovi statutom uređuju se sva bitna pitanja koja su od značaja za rad udruženja

## **Naziv i sjedište**

### Član 3.

Naziv udruženja je: „UDRUŽENJE VJEROUČITELJA “.  
Sjedište udruženja je u Sarajevu ul. Kračule br. 23.

## **Ciljevi i djelatnost**

### Član 4.

Ciljevi Udruženja:

- Afirmacija vjerskih, kulturnih i naučnih vrijednosti BiH društva i razvoj svestrane ličnosti Vjeroučitelja.
- Uključivanje Vjeroučitelja u procese kreiranja programa za predmet Vjeronauka.
- Čuvanje digniteta Vjeroučitelja i pridržavanje kodeksa Vjeroučitelja.
- Zastupanje i prezentiranje interesa članova Udruženja.
- Pružanje svake vrste pomoći članovima Udruženja.
- Razvijanje saradnje sa instiutcijama, organizacijama i pojedincima koji mogu pomoći ostvarivanju ciljeva Udruženja.

## **Članstvo**

### Član 5.

Članovi Udruženja mogu biti vjeroučitelji sa područja Kantona Sarajevo koji prihvataju Statut i Program rada Udruženja.

Članom Udruženja se postaje potpisivanjem pristupnice koju propisuje Glavni odbor Udruženja.

Članovi Udruženja plaćaju članarinu čiju visinu i način plaćanja određuje Glavni odbor Udruženja.

Članovi Udruženja imaju pravo i obavezu da sprovode Statut i odluke organa Udruženja.

Članovi Udruženja imaju pravo i obavezu da aktivno učestvuju u radu Udruženja.

Članovi Udruženja biraju i mogu biti birani u organe Udruženja.

Osnovna dužnost svih članova je da svojim radom i djelovanjem pružaju doprinos ostvarivanju ciljeva Udruženja.

Za svoj rad, djelovanje i preuzete obaveze svaki član odgovara organima Udruženja.

## Član 6.

Članstvo u Udruženju prestaje:

- istupanjem,
- isključenem iz Udruženja odlukom Glavnog odbora,
- smrću

## **Pečat**

## Član 7.

Udruženje ima svoj pečat koji je okruglog oblika, prečnika 30 mm a unutar kružnice nalazi se latiničnim pismom napisan puni naziv Udruženja i Grb Udruženja u obliku otvorene knjige.

## **Organi Udruženja**

## Član 8.

Organi Udruženja su:

- Skupština
- Nadzorni odbor
- Glavni odbor

## Član 9.

Skupštinu Udruženja čine svi članovi Udruženja.

Skupština ima predsjednika , dva potpredsjednika i sekretara koje bira Skupština.

Skupština se sastaje po potrebi a najmanje jednom godišnje.

Skupštinu Udruženja saziva i njenim zasjedanjima rukovodi predsjednik Skupštine.

Izuzetno, predsjednik Skupštine je dužan sazvati Skupštinu ukoliko to zahtijeva najmanje trećina članova Udruženja ili Glavni odbor.

U slučaju spriječenosti predsjednika Skupštine, Skupštinu saziva i njome rukovodi jedan od potpredsjednika Skupštine Udruženja.

Rok za sazivanje redovne i vanredne Skupštine Udruženja je najmanje četrnaest dana prije dana održavanja Skupštine.

Mandat članova organa Skupštine traje četiri godine s pravom reizbora.

Skupština može da odlučuje ako sjednici prisustvuje natpolovična većina članstva.

U slučaju nedovoljnog broja prisutnih članova, Skupština se odgađa za jedan sat kako bi se obezbijedilo prisustvo što većeg broja članova nakon čega punovažno počinje sa radom.

Odluke Skupštine, počev od donošenja izmjena i dopuna Statuta, donose se samo ukoliko je za njih glasala natpolovična većina prisutnih članova Skupštine.

Sjednice Skupštine su javne i o njima se vodi zapisnik.

Izuzetno, pojedine sjednice Skupštine mogu biti zatvorene za javnost i u tim slučajevima, nakon održane sjednice, izdaće se saopćenje za javnost.

#### Član 10.

Skupština Udruženja:

- Donosi statut, izmjene i dopune statuta i druge akte određene statutom.
- Daje saglasnost na pravne radje poduzete u postupku utemeljivanja Udruženja.
- Bira i opoziva članove Glavnog odbora.
- Usvaja izvještaje koje je pripremio Glavni odbor.
- Odlučuje o udruživanju u saveze , pripajanju, razdvajanju, transformaciji, prestanku rada i drugim statusnim promjenama Udruženja.
- Odlučuje o svim pitanjima koja nisu u nadležnosti drugog organa.

#### Član 11.

Nadzorni odbor imenuje Skupština a sastoji se od četiri člana.

Članovi Nadzornog odbora između sebe biraju predsjednika.

Mandat članova Nadzornog odbora traje četiri godine s pravom reizbora.

#### Član 12.

Nadzorni odbor Udruženja:

- Vršiti kontrolu rada Udruženja,
- Vršiti kontrolu finansiskog poslovanja Udruženja,
- Skupštini daje izvještaje o radu organa Udruženja,

### Član 13.

Glavni odbor je izvršni organ Skupštine.

Glavni odbor čine predsjednik, potpredsjednik, sekretar i još sedam članova koje izabere skupština.

Članovi Glavnog odbora između sebe biraju predsjednika, potpredsjednika i sekretara.

Predsjednik Glavnog odbora je ujedno i predsjednik Udruženja, a sekretar Glavnog odbora je ujedno i sekretar Udruženja.

Sjednice Glavnog odbora održavaju se po potrebi a najmanje svaka tri mjeseca.

Za rad i odlučivanje potrebno je da sjednicama prisustvuje natpolovična većina članova Glavnog odbora.

Odluke se donose većinom glasova prisutnih članova.

### Član 14.

Mandat članovima Glavnog odbora traje četiri godine s pravom reizbora.

Članstvo u Glavnom odboru prestaje:

- Istekom mandata,
- Istupanjem,
- Razrješenjem od strane Skupštine,

### Član 15.

Glavni odbor obavlja sljedeće poslove:

- Priprema sjednice Skupštine.
- Priprema i predlaže nacrt izmjena statuta i drugih akata koja donosi Skupština.
- Provođi politiku, zaključke i druge odluke koje je donijela Skupština.
- Upravlja imovinom Udruženja.
- Podnosi godišnje ili periodične izvjestaje o svom radu Skupštini na usvajanje.
- Vršiti druge poslove određene statutom.

### **Sticanje i raspolaganje imovinom**

### Član 16.

Finansijsko-materijalno poslovanje Udruženja obavlja se u skladu sa pozitivnim propisima i podliježe kontroli organa Udruženja.

Skupština je obavezna najmanje jednom godišnje usvojiti finansijski izvjestaj o radu koji priprema i Skupštini dostavlja Glavni odbor.

Skupština finansijske izvjestaje usvaja 2/3 većinom.

## Član 17.

Financijska sredstva Udruženja obezbjeđuju se iz:

- Članarine
- Poklona I donacije
- Drugih prihoda stečenih u skladu sa Zakonom I Statutom
- Udruženje ima svoj žiro-račun kod poslovne banke.

## **Zastupanje I predstavljanje**

## Član 18.

Udruženje predstavlja i zastupa Predsjednik Skupštine i Predsjednik Glavnog odbora Mandat lica koja predstavljaju Udruženje traje 4 godine s pravom reizbora.

## **Javnost rada**

## Član 19.

Rad Udruženja je javan o čemu nadležni organ Udruženja obavještava javnost i medije, kao i članove Udruženja.

Izuzetno, određene informacije ili podatak mogu predstavljati poslovnu tajnu, o čemu odluku donosi nadležni organ.

## **Transfomacija, pripajanje i razdvajanje**

## Član 20.

Udruženje se može pripojiti, razdvojiti ili na drugi način rasformirati kada to odluči Skupština Udruženja 2/3 većinom glasova.

## **Prestanak rada Udruženja**

### Član 21.

Udruženje prestaje sa radom :

- Ako Skupština donese 2/3 odluku o prestanku rada Udruženja.
- U drugim slučajevima predviđenim zakonom.

### Član 22.

U slučaju prestanka rada Udruženja sva preostala imovina pripada Islamskoj zajednici BiH.

## **Završne odredbe**

### Član 23.

Tumačenje odredbi ovog Statuta daje Skupština Udruženja.

Statut, izmjene statuta i druga akta će biti usvojeni ako za njih glasa najmanje dvije trećine prisutnih članova Skupštine.

### Član 21.

Glavni odbor i 1/3 članova skupštine mogu da pokrenu inicijativu za izmjenu i dopunu Statuta.

Ukoliko se prihvati inicijativa za izmjenu ili dopunu Statuta, Glavni odbor formuliše prijedlog i dostavlja ga Skupštini na odlučivanje.

### Član 22.

O izmjenama i dopunama Statuta odlučuje se 2/3 većinom prisutnih članova Skupštine.

Član 23.

Sva pitanja koja nisu regulisana ovim Statutom urediće se drugim opštim aktima koji moraju biti u skladu sa Statutom.

Član 24.

Odredbe ovog Statuta važe od dana njegovog usvajanja na Skupštini.

Predsjednik Skupštine:  
(Amira Išerić)